

頤
道
堂
詩
選

頤道堂詩選卷二十五

錢塘 陳文述 退菴

小華胥曲

漢上寓居營斗室置臥榻汪芙孫爲余題曰小華
胥因以華胥自號賦十絕句

華胥在何所尺五城南路萬言帝京篇一卷山莊賦
華胥在何所蘇臺最佳麗春波盡舫錄夜月妝樓記
華胥在何所金陵亦名勝綺羅三閣嬌金粉六朝盛
華胥在何所春風廣陵陌珠簾十里花玉簫二分月
華胥在何所西冷有舊廬松篁高士鳴烟月美人湖
我欲遊華胥中有溫柔鄉雙棲夢蛺蝶比翼修鴛鴦

我欲遊華胥中有羣芳譜金釵問字人玉局司花女

我欲遊華胥中有名園記謨觴啓洞天琅嬛窺福地

我欲遊華胥中有翰墨緣詩壇李杜外文苑韓蘇前

我欲遊華胥中有神仙傳葛鮑結比鄰劉樊美姻眷

王蓬心爲慶兩峰畫黃鶴山畫卷

蓬心官漁洋丞日爲兩峰廉訪寫此圖卽廉訪署
中景也蒼秀渾厚爲生平傑作廉訪並題絕句三
十首後爲方春之太守所得蓬心重見此圖復有
題跋並題二詩王夢樓陳古華太守各有題詠梁
山舟學士爲書卷首皆名筆也余前年得自吳門
今攜之行篋做居在漢上與黃鶴山相隔一江終

日展玩江山依舊翰墨常新而卷中之人不可復
見因賦長句題之

墨痕滿紙蒼烟浮青山倒入滄江流黃鶴一去不復返寫
此縹緲之飛樓翁初作畫辛丑夏廉訪當年置臺榭親題
絕句寫烏絲明月南樓定清暇翁重見畫已已春雪泥鴻
爪嗟前塵登臨回首舊遊處青山滿目生悲辛前年得此
吳門市愛此蒼茫出奇肆輕帆重放漢江船日日江樓玩
空翠嗚呼黃鶴之山妙烟壑黃鶴之樓俯江郭卷中三絕
畫書詩渺然一如黃鶴驅山走海到眼前我亦過眼如
雲烟樓頭勝有舊題句興酣拍手呼青蓮不然鶴背招飛
仙橫吹鐵笛吟長篇

月湖放蟹

東縛真憐汝呼僮赦晚廚暫容逃鼎鑊聊與適江湖綠已
寒蒲解紅仍瘦蓼扶歧亭新詠在此意祇區區

洪少弓招泛月湖玩梅子山石壁

何年翠壁此飛來

上有飛來靈鷲四大字

橫壓滄波作釣臺斷岸浮

烟澄遠樹層巒倒影浸寒苔香餘梅子空林在紅憶桃花

古洞開

有桃花洞

五嶽遊踪三島夢壺天相遇一徘徊

卉木林左隙地數弓擬營桃花夫人祠

月湖烟樹影離門環佩祠堂暮色昏紅雨半林仍墮却青

山一角與招魂從來史冊多疑案如此嬋娟尙覆盆劉傳

韓詩公論在東風斜日待重論

不言生子冤獄也余有論正之祠舊在崇福寺學使

某公因楚士譌言欲毀其像
從余言而止因另營祠也

苔枝館懷姜白石

白石塤詞處橫枝臥古苔
佛香消作雪僧影瘦於梅
江月窺碁局湖雲墮酒杯
夜深橫玉遂倘有鶴飛來

月湖舟中聽少翁話廬山之勝翌日承以匡廬花隱
廬山小志見假展讀竟日如坐五老峯前聽石梁飛
瀑也因題小詩十二章期來春彭蠡之遊卽簡少翁
並寄子堅京口

我欲廬山遊一觀廬山峯何必識眞面處處青芙蓉
抗手招五老靜聽東林鐘

我欲廬山遊一聽廬山瀑銀河落九天寒巖洗春綠
言尋

三疊泉玉淵漱鳴玉

我欲廬山遊一玩廬山雲隨風勢縹緲彷彿湘娥裙閒登
香爐峯高揖雲中君

我欲廬山遊一尋廬山寺棲賢與開先幾輩譚禪地何處
六朝碑莓苔拂殘字

我欲廬山遊一詠廬山花麝囊紫風流南唐最風華移根
植蓬萊玉澗生紅芽

我欲廬山遊一禮廬山僧遠公開山處誰續長明燈至今
白蓮花池水涵春冰

我欲廬山遊一叩廬山仙匡君好兄弟深契烟霞緣一出
不復歸太息李青蓮

我欲廬山遊一招廬山隱柴桑與栗里簞輿循遠畛醉石
定可憇藉花眠綠茵

我欲廬山遊一識廬山儒濂溪與紫陽鄒魯同規模風月
終古佳靈臺湛清虛

我欲廬山遊一訪廬山女尋真與騰空兩兩青鸞羽至今
屏風疊白雲封磻戶

廬山誰解遊少翁今盧敖貽我廬山志清談屬雲霄芳春
約同遊一訪廬山高

廬山誰解遊石瓢亦健者手題青玉峽墨花恣飛灑天池
倘相待吾定相尋也

素香子畫荷花障子歌

秋深那得花如許水佩風裳滿烟渚疑入吳王銷夏灣尊
前笑看西施舞春蘭秋菊枝玲瓏王郎點筆無不工興酣
落筆燕支紅冰綃香出千芙蓉紅蓮如美人白蓮如名士
田田漾蓮葉采采嬌蓮子我家翠淥園門外多蓮花花間
采蓮歌雙髻嬌漁娃卽今漢臯住西指瀟湘渡湘水復湘
烟盡是荷花處玉帶橋邊風露香錦帆涇畔水雲涼漁莊
正在花深處每到花開憶故鄉

漢陽題周石甫匏葉龕

簾捲楚天開江雲拂面來十年籌筆驛一角讀書臺帆影
疎黃葉山痕瘦碧苔清尊感匏落嗟爾濟川才

孤山梅花石刻歌爲周石甫作

石爲君六世祖忠毅公官杭州日刻前列其師華
亭張侗翁孫孤山種梅敘忠毅補種三百株加跋
語書而刻之並刻侗翁所畫和靖手植古梅也石
舊在孤山爲吳門李寶之瑤所得嘉慶己卯石甫
遇寶之於宣城夜夢忠毅語之曰汝字縉雲耶以
黃玉瓶授之晨得寶之所貽石刻楊本解者曰縉
雲者李郡望也褚河南書唐文皇哀冊家傳縉雲
語可證也玉瓶者寶之也忠臣精爽於翰墨有餘
眷焉石甫先得忠毅季侯玉印又得董思翁書忠
毅告身今并此而三矣石甫讀書工詩文官皖楚
所至有聲忠毅之賢子孫亦當世之古君子也今

秋九月重遇漢上觀此刻於匏葉龕中因賦此詩
天涯忽見孤山樹玉蕊冰花不知數疑向巢居閣畔看回
首西湖感遲暮和靖古梅今已無補者幾輩餘幾株烟水
寂寥翰墨在博望文字濂溪書先生忠毅之子孫印文墨
妙今猶存縉雲玉瓶徵異夢朝來忽返梅花魂我家小舸
川正對孤山麓新種梅花三百株倒影春波浸寒玉我別
西湖今幾年種花已買湖西田千金許購韓陵石歸舫先
尋李謫仙

白舫寄四川通志是嘉慶中故人楊蓉裳農部所纂
感而賦之並寄白舫

文采華陽志山川蜀道難江源來紙上雲棧起毫端玉壘

新編好銅街舊夢殘石湖老居士著錄記驂鸞

辛苦古犍爲霜華感髻絲一篇蜀都賦百首杜陵詩細雨
文君市斜陽漢相祠相期月湖上烟雨話峨眉

蜀僧竺雪以峨眉圖見貽並話佛光聖燈之異賦
詩四首

大峨迢遞接中峨更有三峨湧佛螺八面高峰環寶剎萬
年古雪護盤陀散花天近維摩詰飛錫峰遲諾矩羅最好

臺前銀色界雲光影裏見修峨

大峨山在峨眉縣西中峨山即二峨山一名緩山三

峨山一名小峨山均在縣西南中峯寺前後有八峯環之兜羅綿雲銀色世界見范石湖峨眉山記

辟支光後普賢光正對天衣古道場五彩彩虹環四面一

輪寶月麗中央聖燈照處紅千點佛鳥飛來翠幾行白象

嚼花表靈跡更因讚佛話清涼

佛現鳥呼則佛光現有撮身光童子光辟支光普賢

光聖燈無月則現均見石湖記

妙高峰對影參差初月青天見傳眉雲亘玉城連玉地花

開銅殿照銅碑銀函綠字陰仙緣寶瑟瓊簫太白詩何處

延年覓桃實綬山紅上萬年枝

峨眉兩山相對狀如傳眉見元和志善財禮德雲

佇立妙高峰觀此山如初月現

故稱峨眉見高僧傳白雲

如玉城見陸放翁詩雲平如玉地見范石湖記銅殿銅碑

亦見石湖記陰長生寫丹經置中峨山見府志雲間吟璫篇石上弄寶瑟見太白詩綬山產桃仰中峨也

勞君芒屨下青城黃鶴西樓一卷橫句曲遠來通地脉虛

陵高欲接天彭雲中飛瀑龍門峽石上蓮花寶掌坪我亦

華胥參睡譜他年瓢笠學長生

句曲西通峨眉見稽神樞我眉爲第七虛陵太妙洞

天見洞天福地記龍門峽爲我眉雙溪上游見石湖記蓮花峰寶掌坪皆在峨眉陳希夷隱居五十三磴號我眉真

人嘗書福壽
二字於風洞

謝蜀僧餉我眉茶

我眉茶自我眉種尙帶我眉一種香遠向靈山寄蒼翠恰
從塵海得清涼紫雲碾出通仙氣綠雪澄來見佛光我正
鄉心憶烟月龍泓梅石倚風篁

得子堅書知九月二日屠君琴臨病逝於揚州之贊
化道院哀感之餘賦四詩以弔之

五絕才名重世南青山何處拂塵菴早年譽並黃童美中

歲禪同白傅參潑墨虛堂留妙跡君所至輒喜畫壁焚香病榻憶

清譚君所著病榻瑣談吉祥銅佛珍珠母君得王仲瞿所

銅佛又得蜂中七彌勒蕭然共一龕佛於真州僧寺

江左聲華我不如採風會此間耕漁道光壬午余攝淮南司馬小住真州聞君

遺已教遊女嫋機杼君以真州婦女不習女工為製織漸具招女師教以織布俗為之改

見鹽徒習耒鋤君以真州老河涇為鹽泉舊聚之所推三治其魁鹽徒改業官引得銷至今賴之

事幾番勞薦牘道光初元詔舉循良之吏相國董文恭公以下密薦君者五人

九重兩度下除書初擢江西九江守旋調袁州守由邑東令超擢異數也皆以病不克赴惜哉

山未慰蒼生望臥病鄉園掩舊廬

一代新詩有正聲騷壇文苑總知名杜陵妙得諸家體秦

系原推五字城萬首琳琅菟典籍百年人物際

昇平最憐刪訂同高密絕業纔看草莽成鄭夢白都轉與君選乾嘉以來

詩為正聲
集甫脫稿

音書迢遞淚滂沱落日清淮感逝波令子戴星曾到否故

人翦紙奈貧何天涯罷酒殘英瘦舊館悲秋落葉多誰更
西泠續詩社鏡中雙髻爲伊儻

題吳蘭雪舍人香蘇山館詩集

皎如青天流光之華月鮮如澄江倒影之明霞翩如春殿
當風之垂柳艷如曉園沍露之名花響如仙人鶴背之長
筵淒如戍客隴上之哀笳駿如玉塞嫋姚之怒馬曠如銀
河浩蕩之浮槎君家舊有香蘇館石溪花外春山滿比肩
大婦畫眉才陌上花開歸緩緩博士蓮花酒百壺何如梅
隱署中書桐江九里梅花國有約花間小結廬六朝金粉
山凝黛六橋烟柳春多態到處移家葛稚川放翁團扇家
家畫匡君江上有青山幾處飛流下玉淵香爐峯下屏風

疊雲臥分明李謫仙幔亭仙樂開雲幄更向武夷探九曲
自攜雙髻坐吹笙青蘭壓髻人如玉海東大國數朝鮮箕
子餘風幾輩賢花發梅龕禮詩佛仙龕何似白香山侍子
橫經環壁冰文章亦勝蕭夫子才人遭際似君稀上下千
秋橫萬里我亦譚詩三十春秋霜兩髻感風塵吳門七子
蘭臺聚壇坫他年有替人掃眉才子司花女花明雪艷羣
芳譜一幅金釵問字圖都是瑤清舊儔侶有客攜從日下
來新詩百軸對花開蒼茫儘得蘇黃意一首花前酌一杯
當年耆舊同矜重詩品何人評紫鳳憶到豐臺芍藥花春
明往事真如夢同輩惟君有盛名西華潭水託鷗盟漢臯
楊柳蘇臺樹天末何人憶碧城

余在西湖爲菊香小青雲友三女士修墓並於孤山
建蘭因館女弟子吳蘋香爲填南曲一齣漢上梨園
多吳中名宿按拍悉皆協律楚女亦多有歌之者此
詞場佳話也因題四絕句

一卷離騷酒一杯青山紅粉換妝臺金釵弟子人如玉第

一嬋娟謝絮才

蘋香自寫讀騷飲酒男妝小像自填北新水令一齣託名謝絮才江南梨部多被之

絃索襲演比之黃崇嘏

香徑蘼蕪玉女碑美人湖上雨絲絲畫眉啼煞春山路曾

譜花簾絕妙詞

玉簫聲裏夢如塵十里紅樓倚好春湘月初三花十八家

家兒女唱蘭因

金粉難消菴綠苔新聲重按紫雲迴紅牙一樣雙鬟唱絕
勝旗亭畫壁來

黃鶴樓看雪放歌

夜宿青雀舫曉登黃鶴樓黃鶴一去不復返但見雪花亂
點江天鷗江流東下幾千里萬斛玉塵收不起遠烟如夢
壓孤篷愁絕天涯遠遊子東望夏口西武昌雁聲遠上橫
瀟湘瑤林玉樹參差數不盡但見凍雲漠漠山蒼蒼看雪
宜峨眉故人幾輩此中去聽雪宜江南眷屬全家此間住
萬重香雪橫蒼苔江南應已梅花開吳頭楚尾望不見長
天極目何處姑蘇臺迴風舞急天花白把酒還招錦袍客
酒酣笑袒翠雲裘邀取仙人吹玉簫

以新製梅花十種箋分寄女弟子侑之以詩

梅花十種箋諸女弟子仿南宋苕溪宋伯仁梅花喜神譜作刻工梅春華爲刻於漢上極暗香疎影之致亦文房韻事也因成絕句題之

老輩多情宋伯仁冰花玉蕊譜芳春嬋娟也有傳神筆重爲梅花寫喜神

綴玉苔枝羃曉烟
遂聲吹破石湖仙
曼香都在春風裏
吹上烏絲十種箋

問訊孤山處上家
澹黃月底影橫斜
新詞倘寫簪花字
第一先尋萼綠華

生平心事記雲藍
花夢低迷雪夢酣
黃鶴樓頭橫遂罷
更生

憑驛使寄江南

贈孫芸楣卽送歸錢塘並寄仲雅

章貢交流處斯人有盛名能爲漢循吏不媿魯諸生客枕
方鷗夢歸帆已雁聲相逢張子野爲我話離情

寄嚴麗生湘中用太白送王屋山人魏萬詩韻

停雲靄碧霄浮萍泛紫海濛濛六合間屈指幾人在君昔
負盛名卓犖長安城悲歌壓燕趙奇氣橫幽并鎔經并鑄
史高文一何綺光祿詠五君建安追七子詩派黃河源一
息衆鳥喧看花碧雞坊射策金馬門西踏峨眉峰腰下龍
泉雙潑墨金仙宮題壁玉女牕筆端三澗雪銀河下驚濤
君渡桑乾水西行八千里余亦謝春明南行沂江汜羈宦

松桂間翺翺未能還每過南徐郭識君門外山思君不得
見那得開心顏草堂杜子美浣花溪上水遙望十二峰峰
峰彩雲裏小兒知姓名蜀道隔青城何年巫峽客復向瀟
湘行湘雲久延佇湘烟渺何許我思湘中遊湘人應解語
漢臯秋月明漢江秋水清秋空唳湘雁彷彿柔櫓聲舊遊
憶揚越昔夢都飄忽聞君在衡陽湘雲隔湘月漢陽如漢
嘉楚酒猶可賒隔江黃鶴樓樓角橫春霞去帆孤影沒來
檣森突兀待君君不來夜夜江上月會合良復難文采殊
可觀春明思往事百感來無端爲君數疇昔紙上天風寒
柳子愚谷愚謝公惡溪惡才人苦心苦佳人薄命薄別離
悲莫悲相知樂復樂君看錦城錦我夢壑菴壑西冷十二

橋一日兩回潮寄恨何從寄招魂不可招龍宮何寂寞驚

嶺自峇巽碧海青天外笙鶴羣仙會舒雅與王褒君才較

之大

謂鐵雲仲舉

千騎走明駝萬櫓橫驚瀨黃童與蔣侯君力

與之對

謂仲則心餘

吳都更蜀都捫腹感髯蘇花月裴休島烟

波范蠡湖衰顏撫愍孫能不心嗟吁一鳳淚水濱吳楚此

通津淒淒俱道路落落各風塵舊雨憐吾輩晨星更幾人

餘子知何限紛紛青白眼一灌漢陰田三散陶公產何如

楊子雲騷雅乞靈芬浩浩烟霞氣飄飄鸞鶴羣海內數作

者當亦吾與君遭際會有時遇合亦有期英雄與兒女共

此筆一枝出山惜君晚還山悵我遲一詩遠寄君聊寫心

中悲上言行路難下言長相思

贈高琴仙女士

詠絮清才識謝家倚香妙墨比楊娃詩人舊是崔黃葉

詩人

青士女

嬌女真疑萼綠華第一江山開玉蕊無雙亭榭發瓊

花

舊家京口今居廣陵

碧城他日攜琴會來坐青綾玩絳紗

玉天謠

嘉慶甲子冬客京師雲繪圖作玉天謠序云天寒
薄醉忽忽無惊擁裘假寐所夢甚異醒而雪花如
掌隔院簫聲正美彷彿夢中絲竹聲真耶幻耶或
曰司雪之神青女素娥之流理或然耶約略其境
歌之以補諾臯之闕此詩舊刻碧城仙館集中久
已失之晚寒欲雪醉臥青鸞閣中彷彿二十年前

孤寂風味忽憶此作急爲篝燈錄出附刻於此亦
華胥國中雪泥鴻爪也

萬花如海香成雨青鳥如人學人語叩門呼起祁孔賓夜
半春山月當午花枝結作紅闌干十二曉霞開網軒蘭烟
吹作水雲氣瑤花細落銀河源隔簾起舞雙垂鬟山香簌
簌扶花鬢粲然玉齒者誰子玉天歌急花成山歌聲不甚
了了惟聞
玉天二字回顧
四面落花壁立玉天高高在何處帖耳鴻龍不知路落花
起作迴風舞送我天門踏星去

配瑛靈鳳歌

洞元本行經曰西方衛羅國王有女字曰配瑛與
鳳共處於是靈鳳常以羽翼扇女面後十二年中

女忽有胎王意怪之因斬鳳頭埋著長林邱中女
後生女名曰皇妃王女思靈鳳之遊好駕而臨之
長林邱中歌曰杳杳靈鳳綿綿長歸悠悠我思永
與願違萬劫無期何時來飛是鳳鬱然而生抱女
俱飛逕入雲中梅定九樂苑載之喜其事之穎異
也爲作此詩

靈鳳在何所乃在衛羅國國王嬌女字配瑛與鳳嬉遊愛
鳳好顏色鳳亦愛女鼓其翼鳳鼓翼女有胎國王斷鳳首
置之長林隈配瑛生女名曰皇妃靈鳳之裔翩翩羽衣女
思靈鳳遊於長林長林杳杳實傷女心悠悠我思綿綿長
歸鬱然更生抱女共飛高高間闔上有雲霄鳳入雲中於

焉逍遙君不見齊國占鳳鳴鏘鏘秦臺招鳳聲洋洋鳳兮
鳳兮翔以翔雙飛雙宿如鴛鴦吾將綴寶瑟之流徵譜瑤
琴之清商綵雲萬疊騰樽桑招汝青天雙鳳皇

五君杯斝歌

五君杯斝在洛陽五君太老君真人君仙人君東
海君西海君也案石盈尋鑿杯斝其上側有刻記
似漢隸書太老君三字最大黃長睿上清宮歌
斝五兮石杯九饗東后兮腋西后卽此宣和藏碑
漢有四老神祚机石刻北邙山亦在洛陽當亦此
類郭棖菴廷翁遊於鄴間搜訪遺跡得之有樂府
云瞻上清伊洛口宮之右布以肘圓穴五橢穴九

儼僊蓋酌漿酒饌頽盤飢可取太老君五君首真
人左仙人右饗東后殿西后列安坐馮靈走神祚
机四老偶祀事同芬茲楸保子孫蓋父母用斷享
彌年壽古邛北如山阜亦見隸辨

五君繫何人疑神復疑仙何年降伊洛廣石開長筵石穴
如窪尊厥象橢復圓天上有酒星地下有酒泉橢者應酒
杯香溢鴛漿鮮安期棗如瓜華山藕如船圓枰列仙品厥
味美可餐想見高譙日鸞鶴來九天幔亭奏仙樂嬰靈舞
褊褊我生夙慕道服藥希長年金丹窺要旨黃庭錄真詮
旅舍依谷客山居近稚川笑把玉女袂許隨青童肩高掛
雲中君翱翔凌紫烟

茉莉夫人鬼磨詞和舒鐵雲作

舒鐵雲瓶水齋詩序云夫人爲波斯匿王次妃鬼磨則頑石耳袁中郎遊德山記云兩巒之間爲凹前則茉莉夫人鬼官道也郡志引張三丰集中茉莉元君謂卽夫人竝稱磨在竹林中宣鑒和尚德山參證時夫人以磨磨麪供養或以夫人卽諸天中摩利天所稱鬼子母胡竹巖引內典作詩駁之所謂素衣齋日香生絡息女宮中雪換肌者其言茉莉夫人一見瓔珞經一見法苑珠林而於鬼磨仍無著也舟過常德輒爲一詩記之詩云王妃鬼母兩茫然辛苦中郎記一篇花好便開香世界石

頑難結佛因緣五三福地誰能到六萬夫人只此
傳若語鑒師參證跡竹林深處有寒烟喜其奇麗
因爲和之此詩久置外集適有客自常德來能言
其異與上數篇詩境相類因復錄之

八百媳婦交趾國六萬夫人本行經帝釋姻緣說瓔珞人
天華妙此娉婷淨因香界參芬利色相花田葬素馨善世
城中同供養空山遺趾間支砌

劉烈婦殺虎行

高君飲江藏元人畫烈婦殺虎救夫圖神氣生動
不署畫人名氏卷後有萬九沙題云烈婦胡氏劉
平妻渤海縣人元至元庚午隨夫行戍棗陽車載

二子至沙河露宿夜半有虎突來啗平左臂曳之
去氏急追十步及之手掣虎足呼兒取刀兒時七
歲亦無怖意持刀授母刺虎剗腹而斃平得脫越
三日以傷死事聞詔旌且免本社人戶雜役大德
三年知濱州事王公顯祖爲建亭立石按趙松雪
有烈婦行陳衆仲王惲有題胡氏殺虎圖詩楊鐵
崖有殺虎行樂府烈婦之烈東海勇婦不足多也
張仲雅簡松草堂詩以圖爲趙松雪作此詩亦丙
戌年在袁江作補錄於此

夫劉平妻胡氏戍棗陽挈兩子朝行渤海縣夜宿沙河濱
曠野無人家就樹作幄草作茵疲驢嚙草歆車輪天低月

黑無星辰腥風蕭蕭振林木秋燈出林雙眼綠足所未到
氣已吞猛虎攫人如攫肉婦起逐虎虎返走人已倒懸在
虎口十步及之虎在手婦威懾虎虎不吼一手奮力持虎
足一手持刀刺虎腹虎腹既洞虎口開夫生虎死偃鬼哭
且食虎肉寢虎皮夫傷已重強舖麋虎殘僅得三日活婦
子淚下如縷縻事聞詔旌兼免役海內題詩幾詞客一圖
流落五百年紙上英風動顏色吁嗟乎神鬼風雲解護持
古來孝烈出氓蚩長歌畱並濱州石何似西河打虎兒西河有打虎兒歌乃七歲救父虎口者也

綢雲石歌

查伊璜孝廉樸園中石卽吳六奇自粵東運至者

事詳孝廉所撰樸園記及鉏塿觚賸石舊在海鹽
民家梅史在都門勸余以八十千得之未果今歸
海昌馬氏此亦二十年前舊作也因樊村言刪去
及今思之究多佚事足資文獻蒐葺舊作因併錄
之

停雲不散吳天碧人指前朝孝廉宅高臺已盡曲池平一
拳猶賸珠江石珠江節鉞領樓船控制東南海外天讀到
粵觚奇雪遣才人軼事說當年當年海內誰奇傑鐵丐錚
錚真似鐵風塵偶爾識英雄雲烟過眼隨飄瞥閉門祇願
老柴荆入夢梅花識有靈孝廉有梅花識院本半壁江山分黨局詔
書甘謝小朝廷宏光南渡以兵科給事中徵不就興亡轉眼悲朝暮偶然

五嶺遊蹤去花首臺高峽蜚飛此來原爲羅浮樹小隊郊
迎帳部陳馬前低首拜逡巡誰知百戰威名將卽是當初
乞食人妻孥尙食躬行酒傾心自訴銜恩久不慚太白識
汾陽豈但淮陰酬漂母幕府森嚴擁戟門園林有石立斜
矚生平最抱襄陽癖兩字淋漓署縹雲是時史案消無跡
封章也出將軍力興盡還歌歸去來玉遂驪歌畱不得直
下西江萬里船歸來甲第忽巍然材官鄭重將軍意十頃
還增下潁田意中一石驚依舊飛來眞箇同靈鷲親題殘
墨尙依然天風吹得仙雲縹別墅西州路不遙守門無鶴
任人敲一株古樸前朝樹午睡常分鶴半巢微波水榭閒
畱客譚詩說劍邀前席花底流杯慣鬥茶竹間傳響催行

炙孝廉居樓園中客至有所需輒以竹筩傳聲入厨下須

席不見一婢四種新翻院本精哀絲豪竹寄閒情沉憂尙

抱靈均意倭倭親排十些名孝廉自莊史案被釋後肆意

柔些就中蜨粉尤嬌旖旎仙裙褶湘江水按圖索驥怨東

平綠珠不教樓前死泣別甘拋舊舞衣愴懷最是阿義歸

銷魂欲死尊前意觀色成空悟後機酒邊立遣蛾眉散墮

風處處飛花片祇餘石友老空山雲根深鎖芙蓉院蜨粉

家伎貌尤美東平侯強索去妹阿義從行侯妻妬蜨粉因

母之問道使阿義歸報東平侯旋伏法家亦藉沒蜨粉不

知所終孝廉因西子湖頭水又波開堂講學意如何翦燈

手定門人錄我惜孤忠沈似蘿孝廉晚年講學於吳山之

五百沈似蘿見門人小晚年無賴耽禪悅紅閨同證無生

錄乙酉死郭溪之難

訣白業青鐙古佛前西風吹得頭如雪

夫婦俱就禪悅

重入春明

感寂寥曲師老大亦無聊尋常燕玉矜豐艷見慣司空興

不豪

順治初孝廉入都馮猶龍買數姬爲贈不稱意快快歸

左徒身後荒園暮重來

燕子雕梁誤石不能言也愴神繁華閱盡鳴鴻度

鳴鴻度孝廉院

本四種之一

萬竅玲瓏瘦骨寒尙餘老物未摧殘蔣家樂府風

流甚袍笏還宜再拜看

蔣心餘有雪中人院本

聞雁有懷

雁聲寒壓凍雲低極目遼西又隴西毛羽摧頽鸚鵡賦關

山憔悴鷓鴣啼黑龍江遠征車滯丹鳳樓高舊路迷病體

衰年近何似好音倘許聽金雞

謂戴可亭英照齋兩相國

麗生奉諱南旋道經漢上不相見者二十餘年矣話

舊言懷感成四律卽送歸南徐

破曉啼鴉急聞君素鞵來夢方回劍閣舟已泊琴臺雲棧
鼓弓去江源滌硯回西川失嚴武應爲杜陵哀

把臂先看面鬚眉各老蒼百年雙禿管四海兩空囊燈下
新詩卷尊前古戰場多君得清氣宦跡在瀟湘

羈旅三千里風塵二十年驚心各霜雪過眼總雲烟耆舊
何人在英雄幾輩傳騷壇與文苑各自寫長編

黃鶴樓頭月逢君又別君峽猿淒有淚衡雁冷無羣古岸
封寒霰長天壓凍雲登樓送帆影風葉正紛紛

題麗生海雲堂詩集

霜毛雪羽解飛騰紫鳳甘心讓白鷹花月樓臺千日酒江

湖夢寐十年燈元和變調追昌谷天寶悲歌角少陵聞道
周郎才力健可容香象匹雲鵬都下以余詩爲紫鳳麝生
詩爲白鷹蓉裳在蜀以鈞
雲爲香象渡河麝
生爲金翅擘海

又題一首

苦將奇句壓劉叉更以雄文掃李華紙上雷聲驅缺馬豪
端劍氣走青蛇孫吳兵法無餘子唐宋騷壇此大家讓我
閒情寫兒女一枝斑管一枝花

讀麗生蜀中詩

筆力能驅蜀五丁聰明冰雪銳雷霆縱橫壁壘尋魚復開
闢江山話蠻靈名士風塵才跌宕美人雲雨夢娉婷一編
兒女英雄淚抵得摩崖劍閣銘

漢臯除夕書示同人並寄巴蜀是日繡山適至因寄家人吳門

廿年除夕天涯過今夕天涯影更孤八十慈親依弱弟三千客路念諸雛
嬌鸞瘦鶴都安否隻雁雙魚已到無賴有諸君慰岑寂一尊聊與醉屠蘇

江上征帆昨夜催天涯正喜故人來家鄉瑣事零星問骨月音書次第開
讀畫小軒新卷軸祭詩殘酒舊尊罍燈前更憶巫峩客誰與殷勤勸一杯

漢臯遇吳梅梁觀察

傑

索題都門春雨草堂錄別圖

朝泊晴川晴晚泛月湖月不見吳融二十年依舊仙心與仙骨與君昔過長安城
長安少年多盛名幾處銅街道南

宅臥聽春雨連深更今日逢君漢陽渡漢陽城郭多春樹
舊雨相逢今雨來陌頭把臂垂楊路對酒題襟思盛年往
事過眼如雲烟臺閣聲名四君子因君使我思三賢采采
沅蘭與湘芷持節來觀岳常澧年來轉漕事艱辛

帝心鄭重祖庸使漢臯烟樹曉鶯啼畫冊當筵屬我題春
雨草堂何處是長安天遠暮雲低訪經湖館涵空翠與君
同問琅嬛字禁城騎馬正朝

天唐梅花放迎千騎紅袖添香百和熏相如詞賦最凌雲
江樓江舫同天末春雨瀟瀟最憶君

題呂紀畫桃花軸上有普樂院樓上東次間北牆三
尺花卉斗方十六字當是前明宮禁物也

交網牕櫺暗幾層燕支一幅染吳綾絳桃原是宮中樹勝
寫林良兩角鷹

金屋妝成暈曉霞寫花彷彿寫宮娃分明絕代嬋娟影桃
葉桃根總讓花

何如文沈與唐仇待詔金門第一流寫罷桃花寫桃實也
同多子畫紅榴

簪花楷法艷生香寶軸猶題字一行二百年前內人筆玉
階紅雨話滄桑

有懷琴園內史

玉女牕前月親調金雁箏美人湖上雨閒話紫鸞笙我欲
營華屋遲君住碧城鷗波通一水雙影照盈盈

答琴園內史見寄之作

一榭鴛鴦一鏡鴉兩邊胡蝶兩鬟花尊前寫怨琴三疊夢裏遊仙帳九華爐篆裊烟金縷曲簾波挂月玉鉤斜分明擁髻銷魂地銷局溫磨護碧紗

花蕊鳥

鳥出重慶大如指飛翔必雙海棠花開則見土人名爲花蕊鳥余謂此花蕊夫人後身也戲爲賦之比翼飛翔近綠陰差池上下有清音羽毛竹鳳兼桐鳳顏色紅禽與翠禽胡蝶春燕閒院落海棠芳樹好園林分明花蕊夫人影寫罷宮詞憶到今

萬蝶花

蘇子由萬蝶花詩云誰唱殘春蝶戀花一團粉翅
壓枝斜美人欲向釵頭插又恐驚飛髻似鴉

羅浮萬蝶遠飛來化作名花艷綠苔謝客詩中和影落滕
王筆底抱香開六朝金粉重重染五色衣裳疊疊裁畱得
樂城佳詠在紅牙更譜祝英臺

桃花魚

梁山縣桃花洞溪中出水雪魚桃花開日頭上有
紅點類桃花瓣落葉成陰則紅暈亦消矣見海錄
碎事

桃花開處滿溪魚點點桃花漾碧渠細雨東風溪女艇夕
陽流水釣翁居烟低曲渚千林外人憶迴闌二月初夾岸

文鱗浮錦浪扁舟我是武陵漁

桐花鳳

成都出小鳥紅翠碧色相間出桐花開時惟飲其
汁花落卽去李衛公賦畫桐花鳳扇卽此

紫桐花發鳳初飛翠帔紅襟好羽衣飲露語先雛燕到抱
香閒共乳鶯歸丹青點筆嬌紈扇金粉畱題掩繡幃最憶
晨霞映仙館玉人間坐理珠徽

余姬人湘玉所居曰桐霞館

小婢鳳珠

豈是桐花鳳來從蜀道難依人巢不定憶母淚空彈忍作
青衣賦休將錦瑟看春寒猶料峭念爾敝襦單

杏子初垂髻桃花甫及肩鏡波一雙珥箏語十三絃倚扇

窺紅鳳開奩弄鈿蟬分明比鄰女嬌小亦堪憐

族弟則園沒於巴東送櫬歸里詩以哭之

哀音何處遞巴猿一紙音書有淚痕同向高門稱二壻

余與

君同娶於龔

况從族譜比諸昆悲來旅館停雲暗歸去孤帆暮

雨昏愁絕故鄉何處是四千里外與招魂

漢陽烈女潘三六詩

潘三六小家女玉無瑕花解語無兄弟有翁姥臨市屢守
蓬戶年幾何月三五玉容嬌未有主多田翁大腹賈金帛
嚼鄙勿取勢力求堅不許自矜重渺儔侶翁姥出甘獨處
千里草誰家豎從翁遊居翁所艷娥媚思狎侮解佩要投
梭拒隱罔恩伏如鼠閉屢屢暴如虎女不從遂用武雪刃

揮霜鋒舉女身危女勢阻女氣烈女心苦持益急冒益怒
珠甘沉玉甘剖血縷濡灑石礎湛湛天日當午悲鄰里感
行旅三尺碑一坏土表江漢重荆楚榴花塔共千古

輓張仲雅先生

雲璈

瀟湘歸棹夕陽遲魯殿靈光海內知曹憲親傳文選學

君著

文選學三十卷

江淹雜擬古人詩

君以簡松自號謂簡齋雲松也

逸情澹遠閒鷗

意仙骨清癯瘦鶴姿笠屐空存山水約草堂回首不勝悲

輓同年錢東生太史

林

錢塘才望數三錢

謂令兄謝卷

各領風騷二百年賦到玉

樓仙世界證來金粟佛因緣

金粟一字

生平著錄餘騷些來

去靈光本湛然監察閻羅總無味金丹何不作神仙

君生為閻

羅沒爲山西監察逝前數日料量遺事并井臨終
破其丹而逝蔣秋吟侍御林敏齋觀察言之歷歷

輓孫子瀟太史原湘

紅豆東風手自栽玉堂纔到卽歸來詩龕姓氏三君詠

法梧

門祭酒以君與仲
瞿錫雲爲三君

文苑聲華一代才吾谷春寒林墮葉尙

湖秋冷水生苔隱湖偕隱追梁孟謂佳偶席
道華夫人紙閣蘆簾莫

過哀

輓張時塘大令吉安

三徑蕭蕭落葉秋烟霞如夢夕陽愁弦歌無復陶元亮鄉
里空懷馬少游綠樹小園春寂寂畫橋流水碧悠悠天涯
回首盤門路宦海蒼茫此一鷗

輓袁蘭村刺史有懷松壺子

微波洛浦採明珠夜雪青溪唱鷓鴣二室雲山吟駐馬六
朝花月感啼鳥梁園客散新詞社燕市人悲舊酒罇更憶
松壺老居士壑菴招隱得歸無

顧生子雨程生序伯各以新刊詩卷見寄喜題一律
各將風雅託詞章一卷新詩遠寄將深喜錢劉同體格敢
云湜籍在門牆書堂燈火應相憶畫苑烟雲未肯忘擬趁
秋風理歸棹一尊細雨話滄浪

漢上遇越南使臣

瀟湘湖上柳千條人海雲萍記漢臯

聖世恩深藩國靖皇華路遠使臣勞伏波銅柱銘青嶂下
瀨樓船話碧濤

謂庚申年
海上之役

認取京華依斗極長安天近五

雲高

吳宮采蓮編木歌

木爲葉甥調生所藏乾隆中吳中歲大旱太湖涸
見底其先世得此木於消夏灣不知其名長三丈
寬八尺厚亦尺餘形若編底或以爲吳王船木也
析而分之弟兄數人各得其一調生所得尙得寬
尺餘長三尺者二質堅金石采絢龍鳳因製爲几
乞爲賦詩

縱得三尺橫一尺堅若紫檀香紫柏千年水底臥古槎何
人喚出蛟龍宅槎形夭矯蛟龍蟠太湖水涸成高灘居民
犁鋤扶湖底此木得之消夏灣橫得八尺縱三丈銀漢天

船同俯仰知是吳宮第幾舟
舳底何年沒深壤吳王消夏
乘此舟龍鱗鳳艚橫中流錦
纜牙檣展雙翼玉簫金管喧
兩頭吳宮美人皎如玉解舞
羅衣翻艷曲宮鬟作隊采蓮
歸露珠濕濺湘裙綠越來溪
畔越兵來鷓鴣啼上姑蘇臺
屢廊香徑久寂寞水殿寒綠
生芟苔水流花謝杳然去曾
是吳王銷夏處明月空船人不
歸惆悵蘭成枯樹賦木兮木
兮爾曾見修明之埋玉夷光之
沉珠又曾見錦衣之歸越水犀
之沼吳胡不九天九地全其軀
吁嗟乎雨露風霜何代種雕文
刻鏤誰家用空山回首幾千年
商柏周槐相伯仲金粉湖山感
夢華採蓮幾輩艷吳娃扁舟銷
夏灣頭泊滿渚紅荷又作花

送葉甥調生還吳門

兩年漢上同羈旅今日歸舟羨爾登客感欲來初罷酒家
書未竟更挑鐙石門有約營高鳳鄉味多情話季鷹我亦
鯉溪西畔住相期烟水共魚簪

漢上贈蔣秋吟侍御

詩

湖山烟月正懷人漢上題襟又遇君海內舊稱名御史天
涯同是故將軍青鸞閣畔深宵雨黃鶴樓頭日暮雲各有
罪言好珍重

君著畿輔水利志一百卷曾經乙覽

飄零蹤跡感司勛

答秋吟見贈之作即用原韻

是處江頭草閣寒月華同向客中看藕花誰勸碧筒酒梧
葉漸飄金井欄考異無郵諸說定

謂水利志

參同有契此心殫

方韻性命圭旨多君知我思歸引秋雪菴前有釣竿

原作

仁和蔣詩秋吟

江流漢水六月寒與君黃鵠磯上看長鑱持之白木柄
短歌寫以烏絲欄吾浙東西吟望舊大江南北治績殫
曾宰江南二十餘年偷閒且趁頭未白偕往湖隄把釣竿

朝鮮二賢詩聞秋吟誦申紫霞洪海居詩文作

東方自古多君子今日朝鮮有二賢共識申培遠經術更
聞洪邁富詩篇姓名久爲中朝重文字還應我輩傳恰憶
貞槩老居士謂樸齊家綠江雲樹澹遙天

再贈秋吟卽送之都門

戀闕深情誦卜居盛名未許遂耕漁海邦贊幣香山集

朝鮮

中紫霞洪海居
貽書乞詩集

皇覽文章水利書謂畿輔水利志索米長安應不易買田陽羨定

何如故鄉大有垂綸地秋雪菴前好結廬

贈家玉士孝廉瑾光兼懷令兄石士閣學閩中

匡廬積翠鄱陽碧與爾英才並有名深喜讀書兼讀律恰

因難弟憶難兄青山海上秋無際玉簫江頭夜有聲休譜

離騷反招隱故鄉烟水合歸耕君贈詩云盛世無桃源莫把商山臂故答其意

寄吳蘭雪舍人京師

壇坫何人共舉杯廿年縱跡滯燕臺三生石畔猶聞遂九

里洲前待種梅鳳閣舍人傳詔去雞林宰相乞詩來朝鮮國人

咸誦君詩香蘇舊館奇礪石春雨年年長綠苔

立秋快雨計秋吟應至孝感書寄蔣村

七夕今宵是紅牕曙未開雙星渡河去一雨送秋來客路
銷殘暑車聲感薄雷小河溪上路應話故園梅

得麗生京口書並新刊海雲堂詩集卽用前題紫峴
蘭雪詩集體題之並寄子堅

壯如錢塘八月之秋潮奇如石梁千丈之飛瀑利如三尺
出匣之雙鋒銳如百步穿楊之金鏃如將十萬兵橫行不
減常開平如斷千年獄老吏必推虞伯生昔君贊醉長安
肆獨向騷壇舉赤幟白鷹辛苦化雲鵬霜毛雪羽橫金翅
迴瀾怒捲奇雲蒸金翅壁海母乃鵬培風翼以六月息凌
霄絕漢終騫騰我亦當年翔紫鳳阿房何處梧桐種南溟

垂翅墮紅塵金翠襪襪壓雲重琪樹霜凋夜月寒銅盤露
冷春冰凍鴈雛空解鳴歸昌玉碎昆山鳳心痛回首同棲
闌闌烟觚稜往事春如夢湘水迢迢漢樹重送君歸舫大
江東得君鐵甕城邊信如聽金山寺裏鐘寄我新詩一千
首海雲萬疊生吾手慷慨悲歌古戰場爲君爛醉蒲桃酒
海內騷壇幾輩賢雲夢何人吞八九兩點名山在眼前因
君更爲憶盈川余以金山方君
焦山方子堅誰吹鶴背仙人遂江水無
聲月滿天

寄白舫蜀中卽題茗溪漁唱

酒市琴臺未寂寥芙蓉城郭路迢迢詩壇舊證三生石客
夢新通萬里橋北澗雲山約遊屐西湖烟水待歸橈爲君

檢點蓑洲譜漁唱他年按玉簫

秋夕有懷白舫益齋雲莊蜀中心田柏泉繡山允甫
巴東

漢南楊柳晚蕭蕭落日天涯酒一瓢
望裏峨眉秋月遠意中巫峽暮雲遙
謝公有句惟搔首陶令無心更折腰
誰與煎茶脩竹裏樵青應許伴歸樵

代蓮卿寄雲莊蜀中

峨眉採藥已歸歟秋到天涯客夢孤
何處綵雲橫白帝此間銀漢隔黃姑
停琴自惜龍腰瘦橫笛誰憐鶴骨臞
不是衡陽回雁路經春何事一書無

秋夜聞歌

珊珊疑聽步虛聲唱我新詞覺有情昨夜誰吹黃鶴遂有
人低按紫鸞笙晚涼庭院輕風轉秋影簾櫳澹月生一徑
晚花珠露濕落梅惆悵滿江城

秋夜懷西湖舊遊書寄杭州故人

玉壺秋淨碧涵天載酒何人夜放船涼月浸花花浸月澹
烟浮水水浮烟沿隄樹影看如畫隔岸鐘聲聽更圓辛苦
鷗波營一角松陰移榻枕書眠

月夜憶山塘舊遊

鶴欄松陰暗夕暝月華倒影漾流紋到門白舫衝涼雪隔
岸紅樓畫彩雲倚竹露沾新翠袖浣花香澹舊羅裙雙鬟
摩遂桐橋路第一難忘左阿君

秋夜有懷吳門寄周雲巖

漢江烟柳拂迴潮回首蘇臺悵寂寥
松影滿庭明月寺鐘聲隔岸綵雲橋
遂中秋響歌初罷襟上春痕酒易銷
儘畫朝雲苦心力鴉雛幾輩又垂髫

秋夜憶秦淮水榭

漸見疎星上暝烟青溪流水綠牕前
簾通花氣鄰家壁遂送秋聲過客船
窺鏡鬟多香入夢倚闌人瘦影如仙
碧雲漸吐驚黃月回首清遊又幾年

晚過蓮花隄彌望皆白蓮花意境清曠賦三絕句記之

花農清曠似漁家荷葉如田抱郭斜意外清遊殊有味蓮

花隄上見蓮花

滿身衣染妙蓮香一路輕風送曉涼
絕似臨平山下過荷花世界柳絲鄉

風裳水佩滿芳洲花鴨眠漪似白鷗
回首美人湖上路萬荷花裏一扁舟

漢臯七夕書寄仲姬吳門

貯君玳瑁鈎簾之金屋坐君珊瑚架筆之玉臺
照君帝子盤龍之明鏡簪君神女化燕之寶釵
護君花氣酬春之華帳步君月華凝雪之瑤階
奉君凌波微步之羅襪遲君香塵散屑之錦鞋
娥娥杜蘭香翩翩萼綠華雲英擣藥遲玉杵
麻姑擲米成丹砂贈我金跳脫貽我玉辟邪
飲我洞庭

百花之仙醞飯我天台初熟之胡麻二十年前識君處支
機石畔秋河曙三千里外正思君今宵銀漢雙星渡銀漢
橫天絡角長烟波相望隔紅牆金風寂寂秋初覺玉露迢
迢夜未央鵲尾成橋排雁齒雲錦餘波散霞綺知君思我
我思君青天一片銀河水

己丑七月十六日爲丙子周甲初度先期十日爲管
姬靜初四十生辰余春秋亦五十有九矣羈滯漢臯
旣未得踐西溪偕隱之約眷屬畱滯吳門卜居未定
言念生平百端交集因成轉韻古詩二千字歷敘生
平離合之蹤錄寄吳門管姬志行超卓頗有合於古
之列女別爲一詩以寄之古無壽日稱觴之禮余手

定家範恪遵此說詩中並及之俾後世子孫有所遵
守焉

天孫隔銀漢停梭望河鼓一年一相見徘徊眷儔侶與君

為伉儷忽忽四十年君今歲周甲感舊心纏綿不寄珠一

簪不緘錦一笥為詩敘生平聊當引年義君祖名進士

江先生名岷山乾隆丙戌進士當年宰壽陽君生在官舍保母餐天漿君

翁性磊落快哉先生名樂原名標懷抱幽并氣荆楚古仙人信陵賢

公子君母滑伯裔外姑滑氏承芳先生女也武林稱舊家頗似西王母

諸女皆雲華廉吏之子孫清門清似水家無負郭田饔殮

賴十指大姑虞山施大姑適富春施公奕回小姑龍山邵次姑適山陰邵夢餘

令大分明大小喬壻才各英妙君家慕田好對面青山青世

當有快婿畫雀開雲屏

堪輿家言墳墓照山高者主女貴

與君本葭葦外

家屬中表

君爲查太宜人表姪女

聞君德幽嫺聞君性窈窕陽元許

宅相驟父來相攸我手一編書如臥百尺樓是年君十三

我年纔十二桃花甫及肩杏子初垂髻翼日蹇脩來初議

君女弟視我弱一齡姿貌云佳麗君父與君母謂序有後

先庚甲矧相合或是良姻緣我庚同祖庭太歲值辛卯

祖慈歲庚寅日者云大好參媒與氏妯娌喋喋往復來寸心

重金玉兩小無嫌猜申年我遊泮

乾隆戊申

登堂拜君母慈顏

莊且愉謂可稱佳耦君父方遠遊隔歲纔歸來吾

母思

得婦催下玉鏡臺無何君母疾終夜不得寢醒藉几作牀

倦以肱代枕兩女遞侍疾經歲復經年中夜禮北斗悠悠

呼蒼天亥年君來歸

乾隆辛亥

三月廿七日是年君廿二我亦

年廿一鄰里觀玉女戚鄰稱璧人甲帳吳采鸞辰樓安鬱

嬪鴻案敬如賓鹿車慕偕隱素心厭羅綺華妝謝金粉舅

姑如父母高堂奉尊章清晨捺井臼中厨治羹湯篝燈夜

縫衣還佐兒夫讀小樓燈火深荒雞鳴喔喔子年長女生

乳哺烏翼轂吾父館富春小名呼以富寅年乃舉雄卽

小雲者是吾弟方採芹

仲弟壽蘇

因以芹爲字末年次女生吾

母心愛憐謂君有賢德因字女曰賢丙辰歲紀元阮公視

浙學一篇團扇詩宏獎玉剖璞戊午客海昌囊筆偕宗英

謂家默齋騎尉

秋聞中副車從公入春明次年公撫浙瀛舟啓蓮

幕讀書復談兵幸舍依東閣庚申蒔秋榜辛酉偕計車一

別五六年望遠心嗟吁封書月有程寒衣歲相寄思婦與
征夫各自憐憔悴丙寅始得官返棹浙水湄高堂幸康健
君顏亦未衰小住纔浹旬一官皖江去秀色雙蛾眉天門
好雲樹皖江旬九日轉餉至南河一卷河渠志經歲煩編
摩鐵公愛士心梅菴
官保眄睠勞刮目留我袁江住經歲登薦
牘

帝恩許改官捧檄至吳閭君侍老親來安便如故鄉次
子名苟兒生已彌數月置之懷抱間英英見風骨居吳十
六載宦海嗟浮沉雖處繁縟境不改寒素心翁姑日以
衰兒女日以長繞膝撫諸雛辛勤話疇曩女大行當嫁男
大行當婚人才與族望各自求清門長字洞庭葉次字杭

州許登車訓殷勤莫媿儒家女擇婦艱擇壻所關家道昌
聞有閨中秀舊家錢塘汪卯年兒締姻午年兒娶婦新婦
今爲婆纔得開笑口逾年欣抱孫呼之以如意玉柱與青
晴可望昌門第瑤環更瑜珥玉質兼蘭芽寒家惜福薄一
現嗟曇花荀兒方七齡英英露頭角似非石麒麟定是金
鶯鶯無端鬼伯橫奪我孝順兒三年云再來斯言殊可悲
痛極不成嘶嘶悲復嘶怨從此臥牀褥因之謝餐飯臥病
歲復歲辟穀年復年藥店出飛龍瘦骨仙乎仙芹兒性純
孝端居心鬱拂營藥復營醫求神更求佛佛心大悲憫賜
以龍官方越酒以爲飲阿膠以爲糧日求一寸膠月得百
壺酒從此慶再生人言得天厚更喜次孫生寶之如珪璋

觀察適見過字之以吉祥

蘇松觀察鍾公琦適至贈名

道光辛巳元我

宰江都縣全家渡江來團圓日歡譁芹兒苦求官率得遂

所求別駕雖無權在昔稱監州孫公今大賢

孫寄圃節相

視之

若子弟謂此有用才當以薦

天子

九重恩綸至許以畱江蘇後起喜有人一家方歡娛豈料

部吏權能抗

至尊詔

部吏孫某云當以郡丞歸籍

苦志慰母心和顏飾文貌是年秋

八月

道光癸未

吾翁謝世緣扶柩歸故鄉抱恨悲終天食指

尙盈千暫向吳門住生計無可資蒼茫墮雲霧既無釃西

屋亦無下澗田東帶侍君疾兒心正煩悵孫公憫微勞重

爲封書奏

詔許待銓除會當一官授銓除得滇南山川阻且深相去
萬餘里色養違初心微名謝滇南微業營楚北思得一畝
居朝夕侍顏色豈知生不辰一夢成黃粱除夕惡耗來舉
家悲斷腸君行且止止我止重行行夜望月湖月曉盼晴
川晴湘烟鴈朝影峽雲猿夜聲棲遲三四年羈旅難爲情
憶君歲五十國闊悅情話花海泛扁舟青山對眉黛金尊
酌曼香羣仙環蕊佩我友松壺子壽君以圖畫屈指十年
來離合殊悲歡隔別動經歲那得開心顏今年秋八月君
年六旬屈下憐愍孫愚上憶慈姑邁

查太宜人就養
季弟深陽丞署稔

復念征夫遠道三千里天涯錦字書極目長江鯉家範吾

所定壽日不舉觴君能得我意禮佛惟焚香君妹三四人

先後皆卽世方今骨肉存一兄與兩弟一兄在雲間

素山

一弟居故鄉

嬾仙

一弟從余游

繡山

遠在巫山陽與君長

相聞亦復長相見遲暮念至親深情彌可戀願君深自愛
因果定非偶但期加殮飯莫歌將進酒兩女孝如一一女
恒相依晨夕侍左右慰君渴與飢子婦賢且才文藻人間
少班左在吾家斯言殊可寶況有仲姬賢佐君庇家政處
事得中和御下能公正與君生同月今年亦四旬愛孫若
愛子事嫡如事親其質如蘭熏其品如玉潔其賢詳後詩
此詩不具說侍君頗盡瘁雲姬方垂髻定知體我心視若
嬌女嬌尙有兩小星思來伴明月所惜紫芝翁飄蕭感元

髮司空王官谷更有女鸞臺侍君二十年志行殊可哀

曹

媼慈

雲 兒童皆長大彌甥諸男女男讀女織紉行當辦嫁娶

孫年漸長成敦厚福可期所盼詠關雎更爲歌螽斯故鄉
好湖山儘有栽花地兩隄劃春碧萬峰擁秋翠桃花仙姑
山梅花美人湖七十稱古稀或者能安居我有秋雪莊門
在松篁裏一棹溯花源宛轉西溪水青山鄰葛鵲是日翠
淥園對面巢居閣人言小輞川春風陌上花都是曾遊處
還婢與琴姬他日全家住我遇頗稱蹇我算或尙綿云可
百八齡斯言然不然

日者所言

此理我未信此言聊自慰近更

學神仙性命參圭旨晉祠湛碧玉齊瓦貴香姜西方有美
人冰雪瑩肝腸心曠神亦恬胸不設城府如服姑蓂草玉

顏三十許明月何團圓珠斗何爛斑銀河終夜轉魂夢關
山寒金丹學長生內藥珍三寶相期更周甲齊眉同不老
七月六日管姬靜初四十初度既見於寄內子詩中
生平淑行頗有可紀因更爲古詩百二十韻以寄之
不慕黃金屋不羨白玉堂吾家有賢媛淑德如姬姜垂髫
對門居生小共鄉縣蔡女耽書籍甄兄借筆硯阿姥魏華
存嬌女王子霞曾見玉雪姿雙髻簪秋花丙寅我至吳君
亦吳中住相近不相知如隔銀河渡書肆見唐韻心疑吳
采鸞遠涉藍橋路來乞瓊漿寒自憐跨鳳姿難得乘龍壻
三生未定盟十年猶待字殷勤謝阿姥油壁許相迎鶴髮
千金諧蛾眉萬古情侍女擁輜駟芳齡十七矣宛轉拜高

堂博得慈顏喜圓姿滿月滿妙目明星明雙鸞盡翠柳一點含朱櫻骨象妙應圖華飾奇曠世秀曼出莊嚴人世無此麗晚侍大婦膳朝問高堂安盈盈出中閨氣息如芳蘭一牀斑管陳四壁牙籤插分明管道昇鷗波有家法羅襪步渺渺珮玉鳴珊珊艷極未忍褻秀絕遑可餐從我官吳淞官閣多清暇妝成便讀書閒坐桐陰下從我官青村池館秋陰涼南橋夢玉女焚香禮明妝從我官瀛洲雲帆渡滄海夜見蜃姥珠重霄煥光彩從我官琴河烟波泛尙湖桃花一尊酒親酌柳靡蕪從我官揚州二分替明月國色自無雙瓊花久消歇從我學書法弄墨復然脂一卷簪花格頗似衛茂漪從我學爲詩落筆殊清妙偶作長短句居

然李清照從我學作畫梅蕊兼蘭芽寫花如寫影彷彿婉
凌華從我讀仙書便有求仙意百首悟真詩一卷參同契
從我談佛理香界思皈依分明小龍女翩翩五銖衣一卷
多心經丹毫手親注南海觀世音自買黃金鑄注心經淺
像於蓮誠我名太盛名盛世所尤老氏貴無用儒者宜藏
修誠我書太多鋟削徧梨棗妙法無文字寂照斯爲寶謂
我交太廣交廣多應酬廉泉一勺水何以供取求謂我用
太煩有盛必有衰譬之培婁樹花繁易折枝上堂奉老親
默識親年老爲說氣血衰爲說容顏槁下堂問公子爲我
舉佳兒謝庭好玉樹可惜無連枝誠我藏書畫誠我蒐金
石聚多散必易何事拋心力誠我譚海運誠我論河渠經

濟會有人何事多著書凡此藥石言一一中我病轉瞬未
十年所言句句應末年 嚴親逝戌年愛子天衰齡作楚
游內顧心魂消病婦難持家孀媳方課子去住事兩難何
人仔肩仔 慈親昔有言家事勞如絲他日憶我語治之
須此姬戊子春八日我將遠行邁衆議咸相推慘澹顰眉
黛上念白髮衰下念黃口孤諺臺不可支寸忱盡區區予
錢不盈萬予金不滿鎰以錢八十陌西洋錢十枚託以家事催數數日糧耳爲我任
艱鉅俾我安心出飛羽追

國帑焚香迫私逋客作索客俸官符催官租巫言屋不佳
卜云墓不吉賓多誰治事醫多難愈疾離家三百日事有
千萬端治外興治內迢迢蜀道難敢辭勞力勞敢怨苦心

苦一一經理之次第俾得所書來相慰藉宛轉多文辭云

得我女力深感君母慈

次女若仙悉心佐之君母

管子天

下才昌公宰相器不圖閨閣中有此好才地我家親串多

閨閣清門舊儘多林下風亦有閨中秀碧城女弟子問字

來嬋娟情文悉周備見者皆稱賢室中雖姬弱軫其寒與

饑饉輒勸加餐寒輒勸添衣

謂雲

兩姬尚未歸君與通雜

佩緩急輒相卹拊之若姊妹

謂玉媽

膠木緩福履江沱泯

怨咨二南風化始舍君更有誰勸我休出山宦海風波險

遺累在兒孫暗中誰檢點勸我莫爲客客途道阻修木非

障籠才空復持牙籌勸我早歸來故鄉好烟水倘求二頃

田全家飽食矣餘地治園池種竹兼養魚繞屋樹桑麻老

圖植果蔬爲我營草堂全家此中住爲我買青山他年同
穴處孤孫我根蓼寶之若所生爲禮大悲懺爲塑天解星
老母許君賢大婦憐君悴戚黨頌君仁婢媼感君惠今年
君四旬秋霜生髻絲無物可壽君壽以一篇詩明年誓南
還偕隱青山麓陶潛歸栗里李愿居盤谷此詩若金玉持
以報芳心待補列女傳還爲女史箴

中秋漢臯對月有感唐人詩意書寄家人

一墮西巖已隔年青山如夢水如烟幾番圓缺來心上無
數陰晴在目前寶匣重開金鏡滿水輪更傍玉繩懸明年
今夕知何處倘擁雪鬢話碧烟

送瓜辭

漢鎮中秋夕以金翠飾南瓜具衣冠音樂送少婦
望子者亦祿祝遺意也賦此以補荆楚歲時之缺
種瓜南山下瓜瓞何綿綿亦如母生子根蒂相鉤連漢皇
十萬戶戶戶羅嬋娟生男豈不好聞言心喜歡八月十五
夕明月光團團摘瓜擇美好金翠登綺筵賸以多子榴配
以同心蓮導以明燈燭從以雜管絃送之入洞房寶牀馥
青烟嬋娟出拜嘉羅袖嬌翩翩明年當此夕瓜仍滿中田
懷中牙牙雛解看圓月圖

古意效李昌谷

璧月照瓊花銀河隔絳霞長眉畫纖柳側髻顰雛鴉綠靜
琴雙瑣紅低帳九華玉孃湖上路何處玉孃家

秋夜閨情寄青溪閣

晚風初透薄羅裳
綉扇風微罷晚妝
月浸樓臺簾拂水
花環枕簟榻畱香
誰家蘧韻橫秋怨
何處砧聲搗夜涼
幾點疎星一行雁
獨眠人在合歡牀

秋夜寄琴園內史

珠露無聲濕海棠
深沉別院小迴廊
月林玩月秋逾靜
花徑尋花夜更香
扇影泥人吟貼翠
簾紋如水憶流黃
夢中不識烟江路
曲盡嬋娟九轉腸

寄瑤真館

闌干珠斗隔紅牆
深院無人覺夜長
秋月圓如白團扇
晚花香勝紫羅囊
曲瓊鈎颺簾垂地
綠綺琴橫簟竟牀
知爲

征夫愁不寐
袂衣消受十分涼

古艷效李玉溪

皂莢平橋曲青楊小巷斜
舊居齊女郭新屋謝娘家
春草金鈴犬垂楊白鼻騮
廊樓吳峽蜨門掩薛枇杷
燕子低迎客鸚哥解喚茶
輕綸揚衛艷繡屐點吳娃
弱態初生柳芳年未破瓜
呼名拈翠鳳問歲指靈蛇
宛轉貽條脫玲瓏贈辟邪
漿容乞葦箔飯許進胡麻
種璧千金聘扶輪七寶車
館因如意好牀是合歡
嘉複帳垂金帶交牕暗
碧紗佩先裙衩解幕借繡
襦遮酥乳春融雪豐肌曉
暈霞煖香柔有骨軟玉膩
無瑕鏡掩眸迴鳳釵橫髻
驪鴉溫磨海棠蕊濃露牡丹
芽密誓櫻桃顚消魂荳蔻
葩綢繆憐錦字領略泥

瑤華藥肆裴航杵蘿村池蠡艇佛因靈鳳悟仙侶采鸞誇
佳傳珍書帙修容托畫叉長生應可學卽此是丹砂

穠芳效溫飛卿

位業三生石因緣一斛珠皇妃孕靈鳳月姊字純狐寶瑟
佳人趙金堂少婦盧舊家羅姥宅小住謝孃湖門外啼鴉
房庭前放鼠姑秘辛深畫閣屈戌鎖銅鋪秋水開鴛鏡春
烟裊鴨鱗落英晨戲蝶芳樹夜棲烏第一秦宮妾無雙漢
殿姝聰明天上少佳麗世間無寂寂長樓幕沉沉甲帳襦
筆牀閒虎僕簫局臥狸奴楷法簪花衛迴文錦字蘇雙魚
通款曲五馬立踟躕飛燕裙邊拜嬌鸞袖底扶藍橋尋杵
白花品供盤盃宛轉調鸚鵡玲瓏唱鷓鴣交枝環繡榻密

葉隱紗幮瓔珞千絲碧闌干六曲朱羅幃
寒鳳尾錦簾拂蝦鬚龍縞畱單幅鮫綃解
五銖青棠舒百葉瑤草發雙株
顰膩奩中粉脂凝塞上酥濃香熏艷骨暖
玉碾嬌膚藕嫩憐纖腕菱尖惜絳趺穠苞
梔子綻鮮味荔枝腴緩蕩嬌雲影遲迴軟
雪軀掩痕羞獺髓放膽怯犀株細喘沉羅
噴柔腸息轆轤盟堅金雀枕誓密紫鸞稠
願愜鴛情暢魂恬蜨夢甦鶯花三月好魚
水兩情娛旖旎紅兒詠纏綿素女圖
皈依小精舍頂禮淺文殊囊貯蘭膏印瑞
珍蕊佩符月池營桂館烟島叩蓬壺畫舫
春逢鄆陽臺暮戀巫隱書證桐柏寶篆誦
芝英河漢青天老星辰碧海枯一函真誥在
墨

會此區區